

**Yang di-Pertuan Agong Berangkat Ke Jamuan Teh Diraja Sempena Hari
Keputeraan
Bernama
2 Jun, 2013**

KUALA LUMPUR, 2 Jun (Bernama) -- Yang di-Pertuan Agong Tuanku Abdul Halim Mu'adzam Shah berkenan berangkat menghadiri majlis Jamuan Teh Diraja sempena sambutan Hari Keputeraan Seri Paduka di Istana Negara di sini Ahad.

Turut berangkat ke majlis itu Raja Permaisuri Agong Tuanku Hajah Haminah dan Tunku Panglima Besar Kedah Tan Sri Tunku Puteri Intan Safinaz Tuanku Abdul Halim Mu'adzam Shah.

Antara tetamu yang hadir ialah Perdana Menteri Datuk Seri Najib Tun Razak dan isteri Datin Seri Rosmah Mansor, Timbalan Perdana Menteri Tan Sri Muhyiddin Yassin dan isteri Puan Sri Norainee Abdul Rahman serta bekas Perdana Menteri Tun Dr Mahathir Mohamad dan isteri Tun Dr Siti Hasmah Mohd Ali.

Majlis yang dihadiri kira-kira 2,500 jemputan termasuk menteri-menteri Kabinet serta isteri masing-masing dan kenamaan dari dalam dan luar negara turut diserikan dengan acara memotong kek oleh Seri Paduka.

Tuanku Abdul Halim dan Tuanku Hajah Haminah kemudian berkenan bersalaman dengan dif jemputan serta para hadirin sebelum berangkat meninggalkan majlis.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=953565>